



# JOHANNESBURG EAST DISTRICT

**DISTRIK-EKSAMEN**

**GRAAD 11**

**AFRIKAANS EERSTE ADDISIONELE TAAL**

**VRAESTEL 2**

**Junie 2015**

PUNTE: 70  
TYD: 2 UUR

Hierdie VRAESTEL bestaan uit 10 bladsye.

### INSTRUKSIES EN INLIGTING

1. Lees hierdie instruksies noukeurig deur voordat jy begin om vrae te beantwoord .
2. Raadpleeg die inhoudsopgawe op die volgende bladsy sodat jy kan sien op watter bladsye die vrae is wat jy moet beantwoord.
3. Hierdie vraestel bestaan uit TWEE afdelings :  
    AFDELING A: Kortverhale  
    AFDELING B: Poësie
4. Beantwoord AL TWEE afdelings.  
  
    AFDELING A: Kortverhale  
    Beantwoord die vrae van BEIDE kortverhale.  
  
    AFDELING B: GEDIGTE  
    Beantwoord die vrae van BEIDE gedigte.
5. Gebruik die kontrolelys om jou te help.
6. Volg die instruksies aan die begin van elke afdeling noukeurig.
7. Nommer die antwoorde korrek volgens die nommeringstelsel wat in hierdie vraestel gebruik is.
8. Begin elke afdeling op 'n NUWE bladsy.
9. Voorgestelde tyd: ongeveer 60 minute vir elke afdeling.
10. Skryf netjies en leesbaar.

GDO DISTRIK D9 AFRIKAANS EERSTE ADDISIONELE TAAL  
GRAAD 11 JUNIE-EKSAMEN  
VRAESTEL 2

**AFDELING A: KORTVERHALE**

Beantwoord die vrae oor **BEIDE** die kortverhale.

VRAAGNOMMER	VRAAG	PUNTE	BLADSY	
1.	Die werksmanne van Slovoville	Kontekstuele vraag	17	4
EN				
2.	Violetta	Kontekstuele vraag	18	5
EN				

**AFDELING A: GEDIGTE**

Beantwoord die vrae oor **BEIDE** die gedigte.

VRAAGNOMMER	VRAAG	PUNTE	BLADSY	
3.	My siel Pa	Kontekstuele vraag	17	7
EN				
4.	'n klein beriggie	Kontekstuele vraag	18	9

Kontrolelys				
Afdeling		Aantal Vrae	Aantal Beantwoord	Merk
A.	Kortverhale	2	2	
B.	Gedigte	2	2	

**AFDELING A: KORTVERHALE**

**VRAAG 1: KONTEKSTUELE VRAAG**

***Die werksmanne van Slovoville – Johnny Masilela***

Lees die uittreksel hieronder deur en beantwoord die vrae wat daarop volg.

1 Skynbaar onbewus van die versengende hitte het die mans opgedaag met  
2 baadjies en die vrouens met komberse oor hul skouers - so sterk was die  
3 invloed van die vergeleë stamlande se tradisies nog.  
4 Nou sit die manne van Slovoville rustig en luister, knieë opgetrek. Party krap in  
5 die harde grond rond met droë stokkies. Die vrouens luister ook, hul bene  
6 uitgestrek in die stof. Hulle luister almal aandagtig na die spreker, Jeremiah  
7 Vimbi, hy met die groot gate in sy oorlelle en 'n stem soos die gerammel van  
8 veraf donder. Hy probeer die mense oorreed om ernstig te dink oor die bou van  
9 'n skool vir ons, die kinders van Slovoville.  
10 "Een rand ... twee rand ... Geen bedrag is te groot of te klein nie," sê Jeremiah  
11 Vimbi vir die mense terwyl die hoed die ronde doen. Byna almal gooi iets  
12 daarin.  
13 Daarna begin die mense kookus oor hoe die geld aangewend gaan word.  
14 Iemand steek sy hand op en stel voor dat die geld gebruik word om  
15 boumateriaal te koop, "en rooi bakstene wat net so mooi soos die van die  
16 steenhuse is".  
17 "Daar's geen manier waarop die bietjie geld wat ons hier gekollekteer het, vir  
18 bakstene kan betaal nie," waarsku Jeremiah Vimbi.  
19 "Daar's 'n fabriek wat gebruikte oliedromme verkoop. Ons kan met die geld  
20 dromme koop wat ons kan oopsny en platslaan vir sinkplate.

1.1. Kies die korrekte antwoord en skryf net die vraagnommer (1.1.1.-1.1.3.) neer.

Volgens reëls 1 tot 4 was dit 'n baie 1.1.1.(koue/warm) dag en die  
1.1.2.(kinders/volwassenes) het tradisionele klere gedra soos dit hoort met die  
tipe vergadering omdat hulle 1.2.3. (dit volgens hulle tradisionele wette vereis  
word/hulle baie koud gekry het),

3

1.2. Hoekom sou die bietjie geld wat hulle by die vergadering gekollekteer het nie  
genoeg wees vir bakstene nie? Gee twee feite.

2

1.3. Wat sou hulle met oliedromme doen sodat hulle dit as sinkplate kon gebruik om die  
klaskamers te bou? Gee TWEE feite.

1

1.4. Wie het die verteller se oupa gesê gaan die oliedromme in sinkplate omskep  
toe die ouers daarvoor gevra het? Gee twee feite.

2

1.5. Wat sê die verteller se oupa is die verskil van hoe die mense grafte grawe in sy  
tuisdorp en in Slovoville? Gee twee feite.

2

GDO DISTRIK D9 AFRIKAANS EERSTE ADDISIONELE TAAL  
GRAAD 11 JUNIE-EKSAMEN  
VRAESTEL 2

- 1.6. Hoe het die gemeenskap van Sovoville die swaar boumateriaal by die bouplek gekry? 1
- 1.7. Noem een ander tipe boumateriaal, behalwe die oliedromme, wat die gemeenskap van Slovoville bymekaar gemaak het om die skool te kon bou. 1
- 1.8. Teen sonder begin die gemeenskap van Sovoville alles oppak.
- 2.8.1. Wat doen die vrouens met hulle kookgereedskap? 1
- 2.8.2. Wat doen die mans met hulle gereedskap? 1
- 2.8.3. Waarin was die mans hulleself? 1
- 1.9. Hoekom was dit vir die gemeenskap van Slovoville belangrik om 'n skool te bou? 1
- 1.10. Wat het gebeur sodat die bou van skool skielik moes stop? 1
- [17]**

**EN**

**VRAAG 2: KONTEKSTUELE VRAAG**

**Voiletta – Ria Smuts**

Lees die uittreksel hieronder deur en beantwoord die vrae wat daarop volg.

1 Toe ons voor die klaskamer in 'n ry staan, vra ek vir Hester oor my skouer wat  
2 is vry. Ons mag nie praat nie, so ek maak of ek my oor krap.  
3 “Hande vashou,” fluister sy in my nek.  
4 Ek hoor sommer sy weet ook nie regtig nie. Sy het net 'n jonger boetie.  
5 By die huis kyk ek in 'n woordeboek. Dis 'n oue; my pa het die nuwe kantoor  
6 toe geneem.  
7 Vry, lees ek, is *flirt*, *court*. *Flirt* ken ek. Dit is sommer net ogies maak' soos die  
8 meisies maak met die nuwe seun in graad sewe, die een met die groen  
9 kleurbaadjie van Wonderboom-Suid. By *court* staan: to *engage in social activities*  
10 *leading to engagement and mating*. Ek weet goed wat *engagement* beteken en ek is  
11 ook seker dat meneer Steyn nie meer kan *engaged* raak nie, want hy is  
12 getroud. *Mating* is eintlik die probleem, want die woordeboek se *mate* is *equal*,  
13 *match*. En daarna gee hy net *maté* wat 'n Suid-Amerikaanse drank is. En nie  
14 een van die dinge is tog iets waaroor Sannie se suster sou omgee nie.  
15 My ma is in haar slaapkamer besig om 'n rok se soom in te sit. “Wat beteken  
16 *mating*?” vra ek sommer so om die deur.  
17 Sy kyk na my met 'n mond vol spelde. Een vir een haal sy hulle uit. “Dis paar,  
18 soos voëls en diere maak. En dan kry die wyfie kleintjies.

GDO DISTRIK D9 AFRIKAANS EERSTE ADDISIONELE TAAL  
GRAAD 11 JUNIE-EKSAMEN  
VRAESTEL 2

- 2.1. Kies die korrekte antwoorde en skryf net die vraagnommer (2.1.1.-2.1.2.) en die antwoord neer.

Die rede waarom die verteller in die bogenoemde uitsnit uit die verhaal probeer uitvind wat "vry" was, was omdat sy toe sy in graad 2.1.1. (drie/vier) was by 2.1.2. (Sannie/Hester) gehoor het dat juffrou Adler en meneer Steyn vry.

2

- 2.2. Hoekom was dit vir die verteller moeilik om deel te neem aan die skinderstories oor juffrou Adler en meneer Steyn?

1

- 2.3. Trek die volgende tabel oor in jou boek en sorteer die verskillende ornamente en meubels wat in juffrou Adler en mevrou Steyn se huis is onder elk se naam.

drie porseleieneende	geel gordyne	'n oosterse mat
kussings met groot katte daarop	'n blou glasvaas	'n donkerbruin bank

Juffrou Adler se huis.	Mevrou Steyn se huis.

6

- 2.4. Wat het meneer Steyn en juffrou Adler in gemeen gehad wat die verhouding wat hulle blykbaar gehad het kon bewerkstellig? Noem een ding.

1

- 2.5. Op watter dag van die week het die leerders in die skool musiekwaardering gehad?

1

- 2.6. Hoekom dink jy moes daar altyd 'n hele klompie onderwysers toesig hou in die saal gedurende die musiekwaarderingsperiode?

1

- 2.7. Pas die karakters in Kolom A by hulle reaksie in Kolom B oor die opera *La Traviata* en skryf net die vraagnommer (2.7.1. – 2.7.4.) en die letter (A – D) neer.

Kolom A		Kolom B	
2.7.1.	Bok Brandt.	A	Kyk na mekaar.
2.7.2.	Juffrou Adler.	B	Loop uit die saal uit.
2.7.3.	Die onderwysers.	C	Roer nie.
2.7.4.	Die sportonderwyser.	D	Runnik kliphard.
		E	Lag bulderend.

4

- 2.8. Wat se presiese stipulasie was in juffrou Adler se testament met betrekking tot die geld wat sy aan liefdadigheid bemaak het en die verteller se dorp?

2

[18]  
35

**TOTAAL AFDELING A**

**EN**

**AFDELING B: GEDIGTE**

**VRAAG 3: KONTEKSTUELE VRAAG**

**My siel, Pa - Marie van Rensburg**

Lees die gedig hieronder deur en beantwoord die vrae wat daarop volg.

**My siel, Pa**

- 1       Hoeveel ekstra vakke Pa?  
2       Dux-leerling? Is dit wat Pa vra?  
3       Die prestasies, Pa, al is dit top,  
4       galgtou oor my kop.  
5       En my siel, Pa ...  
6       Kan ek 'n klein-klein stukkie terug vra?
- 7       Pa, hoeveel eerstes by die wenpaal,  
8       rekords moet ek nog behaal?  
9       Hoeveel keer op die rostum, Pa,  
10      met 'n Achilleshiel wat pla?  
11      Maar my siel, Pa ...  
12      kan ek 'n klein-klein stukkie terug vra?
- 13      Pa, S.A.-skolespan speel ek al twee jaar,  
14      Pa se Cravenweek is geëwenaar.  
15      Hoe hoog moet die turksvy-kind in die lynstaan spring  
16      om Pa eer te bring?  
17      Maar my siel, Pa ...  
18      kan ek 'n klein-klein stukkie terug vra?
- 19      Pa, is Pa ooit tevrede met die ewebeeld,  
20      wat oor my vou soos 'n donker kleed?  
21      Pa is mos my proto,  
22      ek maar Pa se foto!  
23      Maar my siel, Pa ...  
24      kan ek 'n klein-klein stukkie terug vra?

*Marie van Rensburg*

3.1. Die pa verwag baie prestasies van die seun.

3.1.1. Noem twee van die prestasies wat die pa van die seun verwag.

2

3.1.2. Hoekom word die atletiekprestasies in reël 7 en 8 in die meervoud geskryf?

1

GDO DISTRIK D9 AFRIKAANS EERSTE ADDISIONELE TAAL  
 GRAAD 11 JUNIE-EKSAMEN  
 VRAESTEL 2

- 3.2. Kies die korrekte antwoord en skryf net die vraagnommer (3.2.1. – 3.2.4.) en die antwoord neer.

Die vrae wat die seun vir sy pa in die gedig vra is 3.2.1. (direk/retories) omdat daar 3.2.2. (nie 'n antwoord verwag word nie/'n antwoord gegee sal word) en die 3.2.3. (denotatiewe/konnotatiewe) funksie daarvan in die gedig is om aan te dui dat die seun 3.2.4. (nie hou van die druk wat op hom gesit word nie/hou van die druk waaronder hy is).

4

- 3.3. Haal drie aparte woorde uit strofe 3 aan wat vir ons sê dat die seun rugby speel.

3

- 3.4. Die seun presteer beter as sy pa op die rugbyveld.

Is die bogenoemde stelling waar of onwaar. Haal een woord aan uit strofe 3 om jou antwoord te bewys.

1

- 3.5. Kies die korrekte antwoord en skryf net die vraagnommer (3.5.) en die letter (A-D) neer.

'n "Turksvy-kind" is 'n kind wat...

- A gelukkig is.
- B probleme gee.
- C van turksvye hou.
- D 'n turksvykostuum dra.

1

- 3.6. Kies die korrekte antwoord en skryf net die vraagnommer (3.6.1. – 3.6.2.) en die antwoord neer.

In strofe 4 se eerste 2 reëls word 'n 3.6.1. (metafoor/vergelyking) gebruik om aan te dui dat die seun 3.6.2. (gelukkig/ongelukkig) is om die heelyd dieselfde of beter prestasies as sy pa te moet behaal.

2

- 3.7. Pas die reël uit die gedig in Kolom A by die stylfiguur in Kolom B en skryf net die vraagnommer (3.8.1. – 3.8.3) en die letter (A – D) neer.

Kolom A		Kolom B	
3.7.1.	Maar my siel, Pa ...	A	Metafoor
3.7.2.	Die prestasies, Pa, al is dit top	B	Ellips
3.7.3.	galgtou oor my kop	C	Vergelyking
		D	Inversie

3

[17]

EN



**AFDELING B: Gedigte**

**VRAAG 4: KONTEKSTUELE VRAAG**

**'n klein beriggie – Vincent Oliphant**

Lees die gedig hieronder deur en beantwoord die vrae wat daarop volg.

**'n klein beriggie**

1 op 'n dag het hy sy werk verloor  
2 en toe jy weer hoor  
3 kom vat hulle sy motors meubels huis  
4 hulle het alles kom eis  
5 ook sy laaste bietjie hoop  
  
6 maar hy't sy skoene deurgeloop  
7 en hom teen mismoed verset  
8 hy wéét mos wat hy in hom het  
  
9 toe kom die laaste strooi  
10 hy kry haar in 'n ander man se kooi  
  
11 nou wil ek sy verhaal voltooi  
12 anders bly 'n storie van ons tyd verbloem  
13 agter dit wat 'n klein beriggie noem  
  
14 dat hy dood gekry is in sy eie bloed  
15 geen misdaad word vermoed

*Vincent Oliphant*

- 4.1. Haal drie opeenvolgende woorde aan in strofe een wat vir ons sê dat die spreker nie weet presies wanneer die man sy werk verloor het nie. 1
- 4.2. Wie is die "hulle" waarna verwys word in strofe een? 1
- 4.3. Die verteller sê vir ons dat die man alles verloor het.
- 4.3.1. Noem twee dinge wat die man verloor het wat met geld gekoop kan word. 2
- 4.3.2. Noem twee dinge wat die man verloor het wat nie met geld gekoop kan word nie. 2
- 4.4. Wat kan ons aflei uit reël 6 is die rede waarom die man alles verloor het? Gee twee feite. 2

GDO DISTRIK D9 AFRIKAANS EERSTE ADDISIONELE TAAL  
GRAAD 11 JUNIE-EKSAMEN  
VRAESTEL 2

4.5. Hoekom word die verkleiningsvorm “gediggie” in die titel van die gedig gebruik? 1

4.6. Kies die korrekte antwoorde en skryf net die vraagnommer (4.6.1. – 4.6.2.) en die antwoord neer.

Die laaste twee reëls staan bekend as ‘n 4.6.1. (kwatryn / koeplet) en die funksie daarvan is om 4.6.2. (die hele gedig op te som / by die ritme te pas). 2

4.7. Wat kan ons aflei uit die feit dat geen misdaad vermoed word nie volgens reël 15? 1

4.8. Pas die reël uit die gedig in Kolom A by die stylfiguur in Kolom B en skryf net die vraagnommer (4.8.1. – 4.8.3) en die letter (A – D) neer.

Kolom A		Kolom B	
4.8.1.	maar <b>hy't</b> sy skoene deurgeloop	A	Assonansie
4.8.2.	kom vat hulle <b>sy motors</b> meubels <b>huis</b>	B	Enjambement
4.8.3.	hulle het alles kom eis ook sy laaste bietjie hoop	C	Alliterasie
		D	Assimilasie

3

4.9. Hoekom is daar geen leestekens in die gedig nie? 1

4.10. Kies die korrekte antwoorde en skryf net die vraagnommer (4.10.1. – 4.10.2.) en die antwoord neer.

Die toon van die gedig is 4.10.1. (opgewek/depressief) want die tema in die gedig beklemtoon die realiteit van 4.10.2. (werkloosheid/mishandeling). 2

**[18]**

**TOTAAL AFDELING B 35**

**VRAESTEL TOTAAL 70**